

Исус Христосин төрлнн

1 Тер цагт Август хан Рим орн-нутгин үлмэд бээсн назрин эмтнэ то бичж авхин туск зэрлг харв. 2 Сирий нутгт Күринь хан нойлжах цагт эмтнэ то бичж авлһна түрүнъ болж эклв. 3 Тегэд чигн нерэн бичүлхин төлө күн болһн эврәннь төрсн балһснур йовв. 4 Йосип бас халилья назрас Назаретас харад, Йудья гидг назруп Давид хан төрсн Бетлехем хотнур йовв, юнгад гихлэ тер Давидин тохмин күн бээсмн. 5 Йосип Мирьям гидг келсн күүктәһән нерэн бичүлхин төлө йовсмн. Тер күүкн күнд бээсмн. 6 Бетлехемд ирхлэ, Мирьямин гиигрх цагнь ирв. 7 Тер эврәннь ууһн көвүһән харһад өлгэдэд, малд өвс өгдг отлыт кевтүлв. Яһад гихлэ гиичлүрин герт теднд орм күртсн уга. 8 Теднэ бээсн назрин өөр хөөчнр бээсмн. Тедн кеер бээһэд, сөөднь хөөдән манад бээцхэж. 9 Генткн теднэ өмн Деед Эзнэ элч үзгдэд, Деед Эзнэ туурмжин герл теднд асв. Тедн дегд икәр сүрдцхэв. 10 Зуг Деед Эзнэ элч: «Бичэ ээти. Би таднд болн эн нарт делкэд бээсн эмтнд байрта зэнг авч ирүв! 11 Эндр Давид хаана төрскн хотнд Бурхна илгәсн Аврач Деед Эзн төрв! 12 Терүнэ темдгнь эн: өлгэгдсн нилхиг тадн малд өвс өгдг отлыгт кевтсинь олж авхит», — гиж келв. 13 Генткн Деед Эзнэ элчин өөр теңгрин церг бууж ирв. Тедн Бурхиг магтад дуулцхав. 14 «Теңгрт Бурхн тууртха! Сән тааларн бээдг улс назр деер амулң менд бээтхә!» 15 Бурхна элчнр хөөчнриг үлдәһэд, хәрү теңгр тал нисж харв. «Бетлехемүр йовхмн, Деед Эзнэ зэнглсәр юн учрсинь хэлэхм!» - гиж хөөчнр келцхэв. 16 Тедн адһж йовад, Мирьямиг, Йосипиг болн малд өвс өгдг отлыгт кевтсн теднэ үринь үзцхэв. 17 Нилх көвүг үзчкэд, хөөчнр энүнэ тускар Бурхна элчәс соңссан келж өгцхэв. 18 Хөөчнрин келсн үгиг соңссн эмтн алң болад бээцхэв. 19 Мирьям цуг энүг тодлад, зүркндән хадһлад бээв. 20 Хөөчнр учрсн юмиг үзсн, соңссн төлэдән Бурхиг туурулж магтад, хәрү йовцхав. Бурхна элчин келсәр цугнь учрв.